

ՉԱՔԱՐՅԱՆՆԵՐԻ ԾԱԳՈՒՄՆԱԲԱՆՈՒԹՅՈՒՆԸ

Ա.Ի.ՇԱՀՆԱՉԱՐՅԱՆ

XII դ. երկրորդ կեսից-XIV դ. կեսերն ընկած ժամանակահատվածում Հյուսիսային Հայաստանի և վրացական թագավորության պատմության մեջ ակնառու դեր ունեցած Ջաքարյան իշխանական տոհմի ծագումնաբանության հարցը վաղուց ի վեր հետազոտողների ուշադրության կենտրոնում գտնվելով հանդերձ, այսօր էլ տարակարծությունների առարկա է: Դրա պատճառը ոչ միայն աղբյուրների աղքատությունը, հաղորդումների անհստակությունն ու իրարամերժությունն է, այլև աղբյուրագիտական նյութի մերթ քառացի, մերթ արդիական ընկալումը, ինչը հաճախ ուղեկցվում է աչառու քննությամբ, երբ ոչ թե եզրահանգումն է բխեցվում քննությունից, այլ՝ ընդհակառակը: Բացի այդ, Ջաքարյանների ծագման մասին մեզ հասած վկայություններն արտացոլելով իրենց ստեղծման պահից շատ առաջ եղած իրողությունները, օրինաչափորեն կրում են և ժամանակի փոշին, և տվյալ պահին գերիշխող ու, իբրեւ կանոն, հիմքում քաղաքական ենթատեքստ ունեցող պատմական մտածողության կնիքը: Ուստի և օբյեկտիվ իրականությունը խեղաթյուրվում էր՝ ծառայեցվելով սուբյեկտիվ գործոնին: Բնականաբար, այս ամենը մեծապես դժվարացնում է պատմական իրականության վերհանումը:

Գիտական շրջանառության մեջ եղած աղբյուրները Ջաքարյան տոհմի ծագման երկու հիմնական տարբերակ են առաջարկում: Երանցից մեկի համաձայն Ջաքարյաններն ունեն հայկական արմատներ, սերում են Արծրունյաց կամ Բագրատունյաց տոհմերից, իսկ ըստ մյուսի՝ օտար ծագում (քրդական ու պարսկական) և սերում են համապատասխանաբար քրդական Բաբիրական (– Բաբիլական) խելից, Ք.ա. V դ. ապրած Արտաքսերքսես I Աքեմենյանից, Հագկերտ Սասանյանից: Եթե Ջաքարյաններին հայկական արմատներ վերագրող աղբյուրներից երկուսը հնագույնն են ու վիճաբիր և հեղինակված են այդ տոհմի առավել նշանավոր ներկայացուցիչներ Ջաքարե Բ ամիրսպասալարի ու նրա եղբայր Իվանե աթաբեկի կողմից, ապա նրանց օտար ծագումը պնդող բոլոր աղբյուրներն էլ գրչագիր են, ավելի ուշ շրջանի և պատկանում են XIII դ. Հայ և XIII, XVIII դդ. վրաց հեղինակների գրչին:

Ջաքարյաններին Արծրունի համարող աղբյուրը 1195թ. Անբերդն ազատագրելուց հետո այնտեղ Ջաքարեի ու Իվանեի թողած և, թերևս, մեզ փնասված վիճակով հասած «Ամիրսպասալար Ջաքարիա Իվանա Արծրունի» արաբատառ արձանագրությունն է: Չնայած անթվակիր լինելուն, ելնելով դրանում Անիի ազատագրման (1199) նշման բացակայությունից՝ այն թվագրելի է 1195/1198-ով: Ջաքարյաններին Բագրատունի Հռչակող միակ վկայությունը Հաղարծնում Իվանեի թողած արձանագրությունն է, որում ի

Ա. Ն. Տ ե Ր - Ղ ե ո ն դ յ ա ն, Ջաքարիայի ու Իվանեի արաբատառ արձանագրությունը Անբերդում (Պատմա-բանասիրական հանդես, 1971, N 1, էջ 86), հմտ. А. А. Х а ч а т я н, Корпус арабских надписей Армении. VII-XVI вв., серия. I, Е., 1987, с. 47.

մի են բերվել Ջաքարյանների աղատամարտերի հիմնական փուլի արդյունքները. «...Այս գիր մեր յիշատակի է եւ արձան մշտընջենաւոր որդեաց Մեծին Սարգսի, յազգէ Բագրատունեան՝ Իւանէի եւ Ջաքարէի, յորժամ նախախնամութիւնն՝ Աստուծո՛յ էհաս յարարածս եւ ետ ...տիրել սէփական ժառանգութեանն՝ նախնեաց մերոց, ետ ի ձեռս մեր յառաջ զանառիկ դղեակն Անբերդ...» : Այս արձանագրութիւնը ևս թվական չունի, սակայն Ջաքարեի մահից (1212) հետո գրված լինելը, դրանում այլ նվաճումների չնշվելը, և որ շատ կարևոր է՝ ի տարբերութիւն Աղջոց սուրբ Ստեփաննոս եկեղեցու 1212թ. արձանագրութիւնի՝ Իվանեի՝ աթաբեկ տիտղոսով հանդես չգալը հուշում են այն թվագրել 1212-ով : Ըստ երևութիւն, Իվանեան այս արձանագրութիւնը թողել է եղբոր մահից անմիջապէս հետո՝ նույն տարում, նախքան աթաբեկ տիտղոսին արժանանալը : Որոշ հետազոտողներ՝ Բագրատունիներից Ջաքարյանների սերված լինելը ցուցող վկայութիւն են դիտել նաև Մեծ Սարգիս Ջաքարյանի դուստր Վանենիի (Նանա)՝ Ջաքարեի ու Իվանեի քրոջ, թողած արձանագրութիւններից մեկը : Այն արվել է ի հիշատակ 1192թ. իր անժամանակ մահացած կողակից Կյուրիկյան Աբաս II թագավորի՝ Վանենու կառուցած Սանահնի կամրջի խաչքարի վրա : Սկզբնամասում վնասված այս արձանագրութիւնը մեզ է հասել հետևյալ տեսքով. «... (ա) զգին բագրատունեաց : Ես՝ Վանենի, դուստր իշխանաց իշխան Սարգսի, որդո Ջաքարէի, կին Աբասա թագաւորի... շինեցի զկամուրջս եւ կանգնեցի զխաչս յիշատակ նմա եւ մխիթար ինձ եւ ի կեանս ծնողաց եւ եղբարց իմոց...» : Արձանագրութիւն «... (ա) զգին բագրատունեաց» բառերը նման պնդման հիմք չեն տալիս, առավել ևս, որ նույն այդ Վանենին Սորո Ձորո վանքում 1197թ. թողած արձանագրութիւն մեջ հանդես է գալիս սոսկ անձնանունով. «ես՝ Նանա», նույն կերպ վարվելով XIII դ. սկզբներին Հովհաննավանքի գերեզմանոցում կանգնեցրած խաչքարի վիմագրի մեջ, հավելելով միայն հայրանունը. «...ես՝ Նանայս, դուստր մեծ Ռապետին (Հազարապետին - Ա.Շ.) Սարգսի» : Ջաքարյանների Հայկական ծագումը հավաստող և նրանց տոհմածառի ակունքների մասին հաղորդող

² Դիվան Հայ վիմագրութիւն, պրակ VI, կազմեցին Ս. Ա. Ավագյան, Լո. Մ. Զանգի, 1977, էջ 22 :

³ Ս. Ս. Սահակյան, Պատմական մի հուշարձանի կառուցման հարցի յուրիյր (Պատմա-բանասիրական Հանդես, 1986, N 2, էջ 197) :

⁴ M. Brosset, Additions et éclaircissements a L'histoire de la Georgie, SPb., 1851, p. 270. Ասլան Շահնազարյան, Ջաքարյան (Երկայնաբազուկ) տոհմի ծագումը, գաղթը դեպի Ձորագետ և նախորդները (Շողակաթ, էջմիածին, 1913, էջ 70), Կ. Տեր-Մկրտչյան, Նյութեր Հայ մելիքութիւն մասին, պրակ Բ, Դոփյանք և Մելիք Շահնազարյանք. էջմիածին, 1914, էջ 23 : Լ. Մելիքսեթ-Քեկ, Հայերը վրաց հին գրականութիւն մեջ (Գեղարվեստ, 1921, էջ 50), Շ. Ա. Մեսխիա, Ներքաղաքական վիճակը և պետական կառուցվածքը XII դարի Վրաստանում, Թբիլիսի, 1979, էջ 223-224 (վրացերեն) :

⁵ Դ. Նաֆարյան, Սանահնի վանքը և նրա արձանագրութիւնները, Ե., 1957, էջ 185 :

⁶ Հմմտ. Հ. Գ. Մարգարյան, Ջաքարյանների ծագումը (Պատմա-բանասիրական Հանդես, 1994, N 1-2, էջ 156, ծան. 2) :

Դիվան Հայ վիմագրութիւն, պրակ VI, էջ 135 :

⁷ Կարո Նաֆարյան, Հովհաննավանքը և նրա արձանագրութիւնները, Ե., 1948, էջ 113 : Ի դեպ, Վանենին մեծ Սարգսին վերադրել է մի տիտղոս, որը նա չի ունեցել :

աղբյուրներից երրորդը Ստեփանոս Օրբելյանի 1297թ. հեղինակած աշխատությունն է⁹: Նրանում պատմիչը նշել է. «Թամարն մեծարեալ զորդիւն Սարգսի որդւոյ Ջաքարէի իշխանի, Հայ ազգաւ և ուղղափառ Հաւատով, ԿՋաքարէ և զԻւանէ, և բարձրացուցանէ ի փառս և ի պատիւ»¹⁰:

Ջաքարյաններին քրդական ծագում վերադրող մեզ հասած հնագույն աղբյուրները պատկանում են Կիրակոս Գանձակեցու և Վարդան վարդապետի գրչին ու ստեղծվել են 1250-1260-ական թվականներին: Ջաքարեի ու Իվանեի հերոսապատումներին Կիրակոս Գանձակեցին նվիրել է հատուկ գլուխ, որի սկզբնամասում անդրադարձել է Ջաքարյանների տոհմաժառին ու ծագմանը. «...էին յԱրևելես երկու եղբարք, որդիք Սարգսի բարեպաշտ իշխանի, որդւոյ Վահրամայ, որդւոյ Ջաքարիայ, որ հատուածեալ ի քրդաց, ի Բաբիրական խելէն, անուն առաջնոյն Ջաքարէ, և երկրորդին՝ Իւանէ»¹¹: Նույն կերպ է վարվել նաև Վարդան վարդապետն ու գրել հետևյալը. «Յաւուրս ժամանակացս այսոցիկ էին փառաւոր իշխանքն Ջաքարէ և Իւանէ որդիք Սարգսի, որդւոյ Վարհամայ, որդւոյ Ջաքարի յորդւոյ Սարգսի, ի Քուրդ ազգէ»¹²: Ապա Կիրակոս Գանձակեցուն հավելելով՝ շարունակել է. «Հատուած եղեալ առ թագաւորսն Զորոգեստոյ, որ ի Բագրատունեաց ազգէ, հաւատացին ի Քրիստոս և պատուեցան եւ տուաւ նոցա տուն բնակութեան ինչորնի»¹³:

Ջաքարյանների պարսկական սերումը պնդող հնագույն աղբյուրը Թամար Թագուհու առաջին պատմիչի երկն է: Դրանում անդրադառնալով Ջաքարե ամիրսպասալարի մահվանը, վրաց պատմիչը գրում է. «Մահացալ Ջաքարե ամիրսպասալարը, նույնպես ամիրսպասալար Սարգսի որդին. մեծափառ և բոլոր առաքինություններով լի մարդ էր, հաղթող, քաջ և զորեղ մարտիկ ... Դա տոհմից էլ էր՝ նա Արտաքսերքսես Միսարգրձելիի ազգականն էր և հավատով Հայ էր»¹⁴: XVIII դ. մի այլ վրաց հեղինակ՝ Իոանն Բագրատիոնին ևս, Ջաքարյաններին պարսկական ծագում վերագրելով, նշում է, որ Նրանք պարսից Հազկերտ (պարզ է՝ Սասանյան) արքայի տոհմից են սերել: Նրանք, Պարսկաստանից արտաքսվելով, գնացել են Ասորեստան,

⁹ Ս տ ե փ ա ն Ս Օ Ր Ե Լ Յ ա ն, Սյունիքի պատմություն, թարգմանությունը, ներածությունը և ծանոթագրությունները Ա. Ա. Աբրահամյանի, Ե., 1986, էջ 58:

¹⁰ Պատմաթիւն նահանգին Սիսական արարեալ Ստեփաննոսի արքեպիսկոպոսի Սիւնեաց, Թիֆլիս, 1910, էջ 391: Ստեփանոս Օրբելյանի «Հայ ազգաւ և ուղղափառ Հաւատով» խոսքերը Մեծ Սարգսի Հայր Ջաքարեին վերաբերելը հստակ է ոչ միայն շարադրանքի շարահյուսությունից, այլև այն բանից, որ քաղկեդոնականությանը հարած Իվանեին Ստեփաննոս Օրբելյանը երբեք ուղղափառ հավատի տեր, այսինքն, լուսավորչադավան չէր կոչի: Սյունյաց պատմիչի աշխատության աշխարհաբար հրատարակության թարգմանիչը ևս քննվող հատվածը նույն կերպ է ընկալել. «Թամարը... մեծ պատվի արժանացրեց Հայ քրիստոնյա Ջաքարե իշխանի որդի Սարգսի որդիներին՝ Ջաքարեին ու Իվանեին» (Ս տ ե փ ա ն Ս Օ Ր Ե Լ Յ ա ն, Սյունիքի պատմություն, էջ 316):

¹¹ Կ ի Ր ա կ Ս Գ ա ն ձ ա կ ե ց ի, Պատմություն Հայոց, աշխատասիրությամբ Կ. Ա. Մեխիք - Օ հ ա ն ջ ա ն յ ա ն ի, Ե., 1961, էջ 162:

¹² Հաւաքումն պատմութեան Վ ա Ր դ ա ն ա յ վարդապետի լուսաբանեալ, Վենետիկ, 1862, էջ 138:

¹³ Նույն տեղում:

¹⁴ Բարեթիւս ցիսովրեբա, Հ. 2, Թբիլիսի, 1959, էջ 109-110 (վրացերեն):

որտեղ նրանց նախնին ընդունել է Հայոց Հավատը, ապա տեղափոխվել են Երևան, այսինքն՝ Հայաստան»:

Վերը ոչ պատահաբար ամբողջովին բերված աղբյուրներին կամ դրանց մեծ մասին քաջածանոթ Հետազոտողները սակավ բացատրությամբ ընդունել են Ջաքարյանների գաղթած լինելը և քրդական արմատ ունենալը: Դրանք են՝ Մ.Չամչյանը, Մ.Բրոսեն, Ալ.Երիցյանը, Ե.Լալայանը, Ս.Կակաբաձեն, Վ.Ալենը, Ի.Ջավախիշվիլին, Հ.Աճառյանը, Հ.Մանանդյանը, Վ.Մինորսկին, Ա.Հովհաննիսյանը, Ե.Մեսխիան, Հ.Օրբելին (վերապահությամբ) և ուրիշներ:¹⁵ Ջաքարյաններին քաղղեական ծագում է վերագրել Աս.Շահնազարյանը, իսկ վրացական սերում՝ Ի.Ցինցաձեն և Ա.Բաքրաձեն:

Ջաքարյանների ծննդաբանությամբ զբաղված որոշ Հետազոտողներ էլ, նրանց գաղթն ընդունելով Հանդերձ, պնդել են այդ տոհմի Հայկական ծագումը: Նրանցից Ղ.Ալիշանը Ջաքարյաններին Համարել է «մարաՀայեր», Կ.Տեր-Սևրտչյանը նրանց սերված է Համարել Բագրատունիներից Մ.Օրմանյանը՝ Օրբելյաններից, Կ.Թումանովը՝ ՊաՀավունիներից, իսկ Ս.Երեմյանը՝ Արծրունիներից: Ժամանակին տողերիս Հեղինակը ևս Հպանցիկ մերժել է Ջաքարյանների քրդական ծագման վարկածը: Հիմնախնդրին վերջինն անդրադարձած Հ.Մարդարյանը, մերժելով Ջաքարյանների ինչպես գաղթի, այնպես էլ բագրատունիական, արծրունիական, քրդական և պարսկական ծագման վարկածները, եզրակացրել է, որ Ջաքարյանները XII դ.

¹⁵ Կ.Կեկելիձեի անվան Հին ձեռագրերի ինստիտուտ, ֆ. S, ձեռ. N 37-29, Թ. 10v:

¹⁶ Մի ք այ ել Չ ա մ չ յ ա ն, Պատմություն Հայոց, Հ.Գ, Վենետիկ, 1786, էջ 149, M. Brosset, նշվ. աշխ., էջ 270, A. E p u լ զ զ, Монастырь Ахпата (Кавказская старина, 1871, N1, с. 20.) Ե. Լ ա լ ա յ ա ն, Բորչալուի գավառ (Ազգագրական Հանդես, VII և VIII գրքեր 1901, էջ 319), Ս. Կ ա կ ա բ ա ձ ե, Թամար Թագուհին և նրա նշանակությունը վրաց պատմության մեջ, Թբիլիսի, 1912, էջ 10 (վրացերեն), Ն ու յ ն ի՝ Թորելիների տոհմի մասին, Թբիլիսի, 1914, էջ 61 (վրացերեն), Ն ու յ ն ի՝ Շոթա Ռուսթավելին և նրա «Ընձենավորը», Թբիլիսի, 1966, էջ 91 (վրացերեն), W. E. D. Allen, A History of the Georgian People, London, 1932, p. 104, Ի. Ջ ա վ ա խ ի շ վ ի լ ի, Վրաց ժողովրդի պատմություն, Հ.2, Թբիլիսի, 1948, էջ 254 (վրացերեն), Հ. Ա ճ ա ո յ ա ն, Հայ անձնանունների բառարան, Հ. IV, Ե., 1948, էջ 411, Հ. Մ ա ն ա ն դ յ ա ն, Քննական տեսություն Հայ ժողովրդի պատմության, Հ.Գ, Ե., 1952, էջ 123, V. Minorsky, Studies in Caucasian History, London, 1953, p. 101, Ա. Գ. Հ ո վ հ ա ն ն ի ս յ ա ն, Դրվագներ Հայ ազատագրական մտքի պատմության, գիրք առաջին, Ե., 1957, էջ 152-154, Ե. Ա. Մ ե ս խ ի ա, նշվ. աշխ., էջ 222-224 և այլն, H. A. O p b e լ ի, Избранные труды, Е., 1963, с. 9 և ուրիշներ:

Ա ս լ ա ն Շ ա հ ն ա զ ա ռ յ ա ն, նշվ. աշխ., էջ 73-74, Ի. Ց ի ն ջ ա ձ ե, Պրպտուններ Ռուսաստանի և Վրաստանի փոխհարաբերությունների պատմությունից, Թբիլիսի, 1956, էջ 158-159 (վրացերեն), Ա. Բ ա ք ա ձ ե, Այսպես է վիճարկվում պատմիչը (Մնաթորքի, 1970, N 4, էջ 188, վրացերեն):

¹⁸ Ղ. Ա լ ի շ ա ն, Այրարատ, Վենետիկ, 1890, էջ 321, Կ. Տ ե ռ - Մ ի լ լ ա յ ա ն, նշվ. աշխ., էջ 19-28, Մ ա դ ա ք ի ա Օ Ր մ ա ն յ ա ն, Ազգապատում, Հ.Ա, Բեյրութ, 1959, էջ 1486, C. T o m a n o f f, Studies in Christian Caucasian History, Rome, 1963, p. 207, Ս. Ե Ր Ե մ յ ա ն, Ջաքարյաններ (Հայկական Սովետական Հանրագիտարան, Հ. 3, Ե., 1987, էջ 676):

¹⁹ Ա. Ի. Շ ա հ ն ա զ ա ռ յ ա ն, Ջաքարյանների տոհմածառի Հարցի չուրջ (Պատմա-բանասիրական Հանդես, 1985, N 3, էջ 209):

պատմական աստվարիզ դուրս գալու ժամանակ ունեին չեչտված Հայկական դիմագիծ²⁰ :

Այժմ անդրադառնանք աղբյուրների Հաղորդումներին և Հարցի շուրջ եղած կարծիքների Հաշվառմամբ փորձենք ճշտել Զաքարյանների ծագումը: Ինչպես տեսանք, Անբերդի արաբատառ արձանագրության մեջ Զաքարեն ու Իվանեն իրենց Արծրունյաց ծագում են վերագրել: Ըստ Ա.Տեր-Ղևոնդյանի, նման պնդման հիմք կարող էր ծառայել Զաքարեի ու Իվանեի մայրական գծով Արծրունի լինելը²¹, քանի որ նրանց մայր Սահակդուխտը Մահկանաբերդի տեր Ամիր-Քրդի քույրն էր: Հ.Մարգարյանը մահկանաբերդիցիների Արծրունի լինելը վիճարկել է՝ գտնելով, որ այդ վարկածն ի Հայտ է եկել XIII դ. երկրորդ կեսին՝ այդ տոհմի նշանավոր ներկայացուցիչ Սաղուն աթաբեկի «գործունեության հետևանքով»²²: Այս պնդումն ընդունելի է, քանի որ մահկանաբերդիցիները, 1120-ական թվականներից սկսած, երբ Դավիթ IV Շինարարը նրանց շնորհեց Մահկանաբերդը, Հայտնի տոհմ դառնալով և աղբյուրներում բազմիցս վկայվելով Հանդերձ, որևէ տոհմանունով երբեք չեն հիշատակվել: Սահակդուխտը միայն անունով՝ Սանդուխտ, իսկ նրա ամուսին Մեծ Սարգիսը նաև ամիրսպասալար տիտղոսով, առանց տոհմանվան են հիշատակված Հոռոմայրում 1187թ. իրենց որդիներ Զաքարեի ու Իվանեի թողած արձանագրության մեջ²³: Անիի Զաքարե եկեղեցու արձանագրության մեջ ևս Սահակդուխտը ներկայացված է միայն անունով, այն էլ իբրև «թագաւորաց Հառց»՝ Զաքարեի ու Իվանեի ծնող²⁴: Արձանագրության մեջ նրա որդիների չունեցած տիտղոսի հիշատակումը վկայում է, որ Սահակդուխտի տոհմիկ (տվյալ դեպքում Արծրունի) ծագում ունենալու դեպքում դա անպայման կնշվեր: Ավելորդ չէ հիշել, որ Արծրունիներից ցածր գտնվող իշխանական տների շառավիղներն այդ չըջանում թողած վկայություններում սովորաբար նշում էին իրենց

²⁰ Հ. Գ. Մարգարյան, Զաքարյանների ծագման ավանդությունը միջնադարյան Հայ պատմագրության մեջ (Նույն տեղում, 1992, N 2-3, էջ 139-152), և ու յ ն ի՝ Զաքարյանների ծագումը (Նույն տեղում, 1994, N 1-2, էջ 156-175):

²¹ Նույն տեղում, 1971, N 1, էջ 187:

²² Նույն տեղում, 1994, N 1-2, էջ 162, Հ ա յ ր ա պ ե տ Գ. Մարգարյան, Մահկանաբերդիցիների (Սաղունյանների) իշխանական տունը ժԲ-ԺԳ դարերում (Հայկազյան Հայագիտական Հանդես, Հ.ԺԸ, Բեյրութ, 1998, էջ 10-14):

²³ Արձանագրությունը մեզ է տրամադրել վիմագրագետ Ս.Սաղունյանը, որի Հաճար շնորհակալ ենք: Այն առաջին անգամ Սանդուխտ անունը բաց թողնելով և որոշ տարրեր թերցումներով, հրատարակել է Ս.Ջալալյանը (Ծանապարհորդություն ի Մեծն Հայաստան, մասն Ա, Տփլիս, 1842, էջ 98), որից էական կրճատումներով քաղել է Կ.Կոստանյանը (Վիմական տարեգիր, Ս.Պետերբուրգ, 1913, էջ 98): Ահա արձանագրությունն ամբողջությամբ. «Ի թուի ՈԼԶ (1187) յանուն Ա՛ստուծո՛յ ես՝ ամիրսպասալար Զաքարե և Իվանե, չինեցաք դեկեղեցիս, տուլաք դՄենուկն ս ուր բ նշանիս վասն մեր յերկար կենդանութեան եւ մեր ծնողացն հոգոյն առնէն ժամ: Բ: աւր զատկին ամիրսպասալար Սարգսի: Բ: աւր Սանդխտոյ: Ով զգեղն առնու կամ զժամն խափանէն՝ նզոված է յԱ՛ստուծո՛յ: Ամէն»: Այս արձանագրությունն արժեքավոր է նաև նրանով, որ Սահակդուխտին հիշատակող Հնագույն վիմագիրն է և Հայտնում է 1187թ. նրա վախճանված լինելը: Դա բացառում է Անիում նրա հուղարկավորված լինելը:

²⁴ Դիվան Հայ վիմագրության, պրակ 1, կազմեց Հ. Ա. Օրբելի, Ե., 1956, էջ 57: Հմմտ. Հայերեն ձեռագրերի հիշատակարաններ, ԺԳ դար, կազմեց Ա. Ս. Մամբեյան, Ե., 1984, էջ 178՝ «Որ էր եղբայր մաւր (Սահակդուխտի - Ա.Շ.) կեսառոտաց Հայուց եւ Վրաց եւ ամենայն Ափստաղաց... մեծածին Զաքարիայի և Իվանեի»:

ստորագրողների 25: Հետևաբար, իրենց Արծրունի հուշակերպով՝ Ջաքարեն ու Բվանեն ակնհայտորեն քաղաքական նպատակներ են ունեցել, որոնք միայն մեծատոհմիկություն չափելով չեն սահմանափակվել: Դա վկայում է նաև Անբերդի վիմագրի արարատառ լինելը: Սահմեզական աշխարհի գործածական գրով իրենց Արծրունի Հայտարարելով՝ նրանք Շահ-Արմեններին ներկայանում էին իբրև Արծրունիների ժառանգորդ-իրավահաջորդներ՝ իրավական առումով հիմնավորելով վերջիններիս նախկին տիրույթների նկատմամբ հավակնությունների օրինաչափությունը: Ջաքարյանների արծրունիական ծագումը ստույգ լինելու դեպքում այդ իրողությունը կարտացոլվեր 1200թ. Հովհաննավանքում և 1210թ. Հաղբատում Ջաքարեի թողած վիմագրերում, որոնցում նշվում է Անբերդի ազատագրումը²⁶: Ուստի, երբ 1207թ. իսլամի անհաջող պաշարումից հետո Շահ-Արմենների հողերին տիրացած Այուբյանների դեմ պայքարի անհետևանքաբայությունը Ջաքարյաններին ստիպեց հրաժարվել Արծրունիների նախկին տիրույթներում խորանալու մտքից, նրանք չրջանառության մեջ դրեցին բազրատունիական ծագման վարկածը²⁷, որը սկսել էր արծարծվել 1195թ. սկսած՝ Բագրատունիների շահնշահ պատմանման օգտագործմամբ²⁸: Ինչպես կարելի է մակաբերել Թամար Թադուհու առաջին պատմիչի խոսքերից, դրան իրավական հիմք էր ծառայեցվել 1191թ. սկսած Ջաքարեի՝ «Լոռիին տիրող, Հայոց Թագավորի աթոռակալ» դիտվելը²⁹: Հայոց Թագավոր ասելով՝ վրաց պատմիչը նկատի է ունեցել Անիի Բագրատունիներից սերված և Լոռուն տիրած Կյուրիկյաններին: Իրենց Բագրատունյաց արմատներ վերագրելու ուղղությամբ Ջաքարյան եղբայրների հերթական՝ ավելի որոշակի, քայլը Հաղբատում 1210թ. Ջաքարեի թողած մի քանի առումով ուշադրավ արձանագրությունն է: Ինուլթագրական է, որ դրա վերջնամասում միայն տիտղոսաշարով և ժառանգորդական առումով հանդես եկած Ջաքարիան («...ես մանդաւորթաւխուցէս, ամիրսպասալար շահնշահ Ջաքարիա, որդի բարէպաշտ իշխանաց իշխան Սարգսի») դրանից առաջ երկիցս ակնարկում է իր և եղբոր բագրատունիական ծագումը («եւտ Ա՛ստուա՛ծ ի ձեռն Բ հարազատացս՝ Ջաքարէի եւ Իւանէի զսեփական դղեակն մեր զԱնբերդ, զչինեալն ի նախնեաց մեր՝ ոյց՝ եւ այլ բազում ամրոցս»)՝³⁰: Այսպիսով, Հորը միայն իշխանաց իշխան տիտղոսով ներկայացնելով՝

²⁵ Տես օրինակ, Կ ա Ր Ո Ղ ա Փ ա դ ա Ր յ ա ն, Հաղբատ, Ե., 1963, էջ 220, Դիվան Հայ վիմագրության, պրակ III, կազմեց Ս. Գ. Բ ա Ր ի ու դ ա Ր յ ա ն, Ե., 1967, էջ 55, 56, 110, 208, 211, Կ. Ղ ա Փ ա դ ա Ր յ ա ն, Սանահնի վանքը և նրա արձանագրությունները, էջ 109, 114, 121, 128, 130, 174, ն ու լ յ ն ի՝ Հովհաննավանքը և նրա արձանագրությունները, էջ 90, 98, Հայերեն ձեռագրերի հիշատակարաններ, ԺԳ դար, էջ 140, 182 և այլն:

²⁶ Կ. Ղ ա Փ ա դ ա Ր յ ա ն, Սանահնի վանքը և նրա արձանագրությունները, էջ 76, ն ու լ յ ն ի՝ Հաղբատ, էջ 169:

²⁷ Հմմտ. Հ. Գ. Մ ա Ր դ ա Ր յ ա ն, Ջաքարյանների ծագումը, էջ 162-163:

²⁸ Ա. Ն. Շ ա հ ի ն յ ա ն, Կոչի կոթողը և նրա արձանագրությունը (Պատմա-բանասիրական հանգես, 1968, N 2, էջ 201):

²⁹ Բարթիլա ցիտվրեբա, հ. 2, էջ 55 (մրացերեն):

³⁰ Կ ա Ր Ո Ղ ա Փ ա դ ա Ր յ ա ն, Հաղբատ, էջ 168-169: Ցարդ Հայագիտության ու վրացագիտության մեջ չկատարված կուսումների տեղիք է տալիս այս արձանագրության «յամս աւծելոյ Ա՛ստուծո՛յ Թւայգաւորաց Թագաւորին Գէորգէ, որդոյ մեծ Թւայգաւորին Թւամարին», հատվածը, որից հետևում է, որ 1207թ. մոր մահից հետո գահ բարձրացած և, բնականաբար, Թագադրված Գեորգի Հաչան 1210թ. կրկին Թագադրվել է:

Զաքարեն Հանդես է գալիս ոչ միայն շահնշահ տիտղոսով, այլև իրեն ու հղբորը հայտարարում է Անրերդը կառուցողների³¹, այսինքն, Բագրատունիների ժառանգ և, իբրև այդպիսին, պնդում, որ Աստված Հետ է տվել իրենց սեփականը: Հետևաբար, այս արձանագրությամբ Զաքարեն իրենց նվաճումներն օրինականացնելուց զատ ականարկում է Բագրատունիների Հետ տոհմական կապը: Մինչդեռ, նույն Զաքարեն դրանից տասը տարի առաջ՝ 1200թ., իր և հղբոր անունից թողած նույնատիպ մի արձանագրության մեջ բավարարվել է «ազատեցաւ երկիրս Արա[յ]րատու»³² ձևակերպմամբ: Զաքարյաններին Բագրատունիների Հետ կապելու հաջորդ՝ արդեն բացահայտ քայլը կատարեց Իվանեն՝ հղբոր մահից քիչ անց Հաղարծնի վիմագրում իրեն ու Զաքարենին հռչակելով «յազգէ Բագրատունեան»: Սա Զաքարյանների կողմից իրենց ուղղակի Բագրատունի հռչակող միակ հայտնի վկայությունն է: Մինչդեռ, բազմաթիվ են Զաքարյանների հարազատների ու ենթակաների կողմից նրանց արքայական, այսինքն՝ Բագրատունյաց ծագում վերագրելու օրինակները: Դա հատկապես դրսևորվել է Հոգևոր Զաքարյանների՝ Բագրատունիների տիտղոսաշարի շուրջ օգտագործմամբ³³: Բայց անառարկելի է նաև այն, որ Լոռին 1185թ. ամիրսպասալարության դիմաց պայմանական հողատիրություն իրավունքով ստացած Մեծ Սարգիսը երբևէ չի շահնշահ չի հորջոխվել³⁴: Նույնիսկ որդիների կողմից Սանահնում իր գերեզմանի գեղեցիկ խաչքարի վրայի արձանագրություններում նա հիշատակվում է միայն «ամիրսպասալար հառց (եւ) վրաց» տիտղոսով և «Մեծն Սարգիս, որդի Զաքարէի, թոռն աւագ Սարգսի» ժառանգորդությամբ³⁵: Եթե Մեծ Սարգիսը Բագրատունիներին ազգակից լիներ, ապա դրա փաստագրման ամենապատշաճ տեղը նրա գերեզմանի խաչքարն էր, առավել ևս, որ Զաքարյանները Բագրատունի-Կյուրիկյանների իրավաժառանգորդը դիտվելու միտումով էին Կյուրիկյանների հանգստարան ծառայող Սանահնում հիմնել իրենց տապանատունը: Հատկանշական է, որ Հաղարծնի արձանագրությանը ժամանակակից՝ 1213թ., Մորո Ձորո վանքում թողած վիմագրում աթաբեկ տիտղոսով ներկայացած Իվանեն չի փաստել ոչ իր Բագրատունյաց ծագումը, ոչ էլ

³¹ Անրերդի կառուցման մասին տես Ս. Վ. Հ ա ղ ա ռ յ ա ն, Անբերդ, Ե., 1978, էջ 13-21:

³² Դ ա Ֆ ա ղ ա ռ յ ա ն, Հովհաննավանքը և նրա արձանագրությունները, էջ 76:

³³ Տես Ա. Գ. Հ ո վ Հ ա ն ն ի ս յ ա ն, Նշվ. աշխ., գիրք առաջին, էջ 155-160, հմմտ. Հ. Գ. Մ ա ղ ա ռ յ ա ն, Զաքարյանների ծագումը, էջ 157-161:

³⁴ Ե. Մեսիխան, Անիի 1215 թվակիր մի արձանագրության աղավաղված ընթերցումը (վիմական տարեգիր, էջ 57) հիմք ընդունելով, Մեծ Սարգսին շահնշահ տիտղոս է վերագրել (Ե. Ա. Մ ե ս ի խ ա, Նշվ. աշխ., էջ 285): Իրականում այդ վիմագրում կարդում ենք «...ի տերութեան մանտատորթախուցէս ամիրսպասալար շահնշահ Սարգսի եւ Մխիթարիս...» (Դիվան հայ վիմագրության, պրակ 1, էջ 2): Այսինքն, խոսքը վերաբերում է նրա թոռ Սարգսին՝ Զաքարեի որդուն:

³⁵ Դ ա Ֆ ա ղ ա ռ յ ա ն, Սանահնի վանքը և նրա արձանագրությունները, էջ 178, 179: Մեծ Սարգիսը լուրջ անվամբ է հիշատակված նաև Զաքարյանների տոհմական տապանատան մուտքի արձանագրության մեջ (նույն տեղում, էջ 178):

³⁶ Սանահնին այդպես էլ չդարձավ Զաքարյանների ավագ ճյուղի տոհմական հանգստարանը: Այնտեղ հուղարկվորվել են միայն Մեծ Սարգիսը, նրա որդի Զաքարեն և դուստր Նըրիսը: Տոհմի քաղկեղոնական դարձած անդամներ Իվանեն ու նրա որդի Ավագը թաղված են Գղնձահանքում, իսկ Զաքարեի որդի Շահնշահը՝ Բորայրում:

նախնիների ժառանգությունը տիրանալը, բավարարվելով «առաք զերկիրս հաւոս ի յանաւրէնաց»³⁷ հիշատակությամբ:

Ասվածը թույլ է տալիս պնդելու, որ իրենց Արծրունի և ապա Բագրատունի ծագումն վերագրելու Զաքարյանների փորձերը նախ և առաջ քաղաքական գործոններով էին պայմանավորված: Պատմական ասպարեզ համեմատաբար նոր դուրս եկած և օրինական ու անօրինական բոլոր հնարավոր միջոցներով (զորավարական տաղանդի օգտագործում, հին ու նոր իշխանական տների հետ խնամիացում, փոխօգնություն, ֆեոդալական էթիկայի նորմերի չահախնդիր խախտում, սյուզերենի հետ սերտ կապերի հաստատում, նպատակադիր դավանափոխություն և այլն) հզորանալու ձգտող այդ տոհմին իրադարձությունների արագ փոփոխման պայմաններում շարունակ անհրաժեշտ էր իր դիրքերի ամրապնդման բոլոր երաշխիքների ապահովում՝ ունեցածը պահպանելու և ավելիին համեմատելու նպատակով: Եվ քանի որ իրավահաջորդությունը ֆեոդալական իրավունքի անբաժան բաղադրամասն էր, իսկ մեծատոհմիկությունը՝ կարևոր պայմանը, Զաքարյանները կամ նախօրոք, կամ իրավիճակին համարժեք արտաքուստ անտրամաբանական քայլեր էին կատարում՝ նախանձելի հեշտություն մեծ արագությամբ իրենց կապելով Բագրատունյաց Հայաստանի երկու հզոր տոհմերի՝ նախ Արծրունիների, ապա Բագրատունիների հետ: Այս իրողությունը լավ էին հասկանում վրաց Բագրատունիները, որոնք, իրոք, սերված լինելով հայ Բագրատուններից, վերջիններիս իրավահաջորդը դիտում էին իրենց և Զաքարյաններին «ազգական չէին համարում հայ Բագրատունիների հանգած տան»³⁸: Դրա ապացույցն է Զաքարյանների պարսկական ծագման մասին այդ ընթացքում վրաց իրականության մեջ ստեղծված տեսությունը, որին իր տեղում կանդրադառնանք:

Ասվածի հաշվառմամբ դիտարկենք Զաքարյանների բագրատունիական և արծրունիական ծագման մասին հայտնված տեսակետները: Կ.Տեր-Մկրտչյանը, համազիչ փաստարկներով մերժելով Զաքարյանների քաղղեական ծագման մասին Ա.Շահնազարյանի պնդումը³⁹, փիճարկել է նաև նրանց քրդական արմատներ վերագրող աղբյուրների տվյալները՝ անհասկանալի համարելով մահմեդական քուրդ իշխանական տան հյուսիս գաղթելը, քրիստոնեություն ընդունելը և Ձորագետի փոքրիկ թագավորի հովանու տակ մտնելը: Ապա, Հաղարծնի արձանագրության հիմամբ Զաքարյաններին Բագրատունիներից սերված համարելով՝ նրանց արմատները փնտրել է Տարոնի և Մոկքի առերես մահմեդականացած ու կիսաքրդացած Բագրատունիների մեջ, որոնց սերունդը ստեղծված ծանր պայմաններից ելնելով «ԺԱ գարու ուրիշ գաղթող իշխանների նման տուն ու տեղով փոխադրվել է Կյուրիկյան Բագրատունիների մոտ, որոնց հետ կարող էր խնամիական կապեր ունենալ»⁴⁰: Ինչպես տեսնում ենք, Անրերդի արարատառ արձանագրությունն այդ ժամանակ գիտությանն անհայտ լինելու պայմաններում Հաղարծնի արձանագրության պնդումը Կ.Տեր-Մկրտչյանին հավաստի է թվացել, ուստի աղբյուրների հաղորդումները բառացի ընկալելով՝ նա փորձել է դրանք հարմարեցնել ինչպես միմյանց,

³⁷ Դիվան հայ վիմագրության, պրակ VI, էջ 138:

³⁸ Ա. Գ. Հովհաննիսյան, նշվ. աշխ., գիրք առաջին, էջ 156:

³⁹ Ա.Ս.Լ.Ն.Շահնազարյան, նշվ. աշխ., էջ 73-74:

⁴⁰ Կ.Տեր-Մկրտչյան, նշվ. աշխ., էջ 19-26:

այնպես էլ Զաքարյանների Բագրատունյաց ծագման իր տեսակետին: Դրան հասնելու համար նա Զաքարյանների նախնիներին հուշակել է կիսով չափ քրդացած ու առերես մահմեդականացած, իսկ Կյուրիկյաններին ապավինելը բացատրել է նրանց հետ ենթադրյալ խնամիությունը: Բնականաբար, այս կերպ ստեղծված տեսակետը պատմագիտության մեջ քաղաքացիություն չէր ստանա:

Ս.Երեմյանը ևս Զաքարյանների արծրունիական ծագման տեսակետը զարգացնելիս կամա թե ակամա ընթացել է նախորդ հետազոտողի ուղով: Նրա կարծիքով, Զաքարյանները ծագել են Կորճայք աշխարհի Կարթունիք գավառից Լոռի գաղթած Արծրունիների քրդացած ճյուղից: Ըստ Ս.Երեմյանի, 1048թ. Մեծ Զավ գետի կիրճում սելջուկների դեմ բյուզանդացիների տարած հաղթանակից հետո «Զաքարյանների նախնի խնամովը «Հատուածեալ ի քրթաց, ի Բարիւական խելէն»...իր տոհմով անցնում է Գուգարք և ճանաչում Լոռվա թագավոր Կյուրիկե Ա-ի գերիշխանությունը, նրանից ստանալով խոթոռնի գավառակը՝ համանուն ամրոցով»²²: Դժվար չէ նկատել, որ գիտնականի տեսակետն Անբերգի արարատառ արձանագրության, Հաղբատի խոստրով անունը կրող անթվակիր մի վիմագրի, Կիրակոս Գանձակեցու ու Վարդան վարդապետի վկայությունների պարզ միահյուսման և աղբյուրներով չհիմնավորվող պնդումների հանրագումար է: Եթե Ս.Երեմյանին այս վարկածն առաջադրելիս հայտնի լիներ, որ Հաղբատի անթվակիր վիմագրում հիշատակված ոմն խոստրովը և նրա որդիները ավագ Սարգիսն ու Քարիմը Զաքարյանների հետ որևէ կապ չունեն²³, ինչով պայմանավորված՝ դեպի Չորագետ Զաքարյանների գաղթի ավանդական ժամանակը հետ տարվելով թվագրվում է XII դ. սկզբներով²⁴, ապա նա նման տեսակետ առաջ չէր քաշի: Բացի այդ, աղբյուրները Զաքարյաններին Կարթունիքի Արծրունիներից սերված համարելու և նրանց գաղթը Մեծ Զավ գետի կիրճի ճակատամարտի հետ կապելու որևէ կովան չեն տալիս:

Այժմ դառնանք Զաքարյաններին քրդական արմատներ վերագրած աղբյուրներին: Մեզ հետաքրքրող հարցի մասին Կիրակոս Գանձակեցու տեղեկությունների մշուշապատ լինելը երևում է Զաքարյանների գաղթը գոնե մոտավոր չթվագրելուց, Հյուսիսային Հայաստանում նրանց նախնական բնակատեղին չհիշատակելուց և տոհմածառը թերի ու մասամբ սխալ ներկայացնելուց: Պատմիչը ոչ միայն չգիտի Զաքարեի (Զաքարիա) հայր ավագ Սարգսին, այլև նրա թոռներ Մեծ Սարգսին ու Վահրամին համարել է հայր ու որդի, իսկ նրանց հայր Զաքարեին՝ առաջինի պապը, երկրորդի հայրը: Այս հանգամանքները կասկածի տակ են դնում Զաքարյանների քրդական ծագման մասին նրա հայտնածը: Բացի այդ, նրա հաղորդումը հակասում է Վարդան վարդապետի ու Ստեփանոս Օրբելյանի տվյալներից բխող հետևյալ տրամաբանական եզրակացությանը: Ինչպես տեսանք, նրանցից առաջինը, իբրև Չորագետում Զաքարյանների նախնի, ճիշտ գիտի Զաքարեի հայր ավագ Սարգսին, իսկ երկրորդը Զաքարեին համարում է «Հայ ազգաւ և ուղղափառ հաւատով»: Եթե անգամ ընդունենք, որ Սյունյաց

²² Հայկական Սովետական Հանրագիտարան, հ. 3, էջ 676:

²³ Ա. Ի. Շ ա ճ ա ղ ա ռ յ ա ն, Զաքարյանների տոհմածառի հարցի շուրջ, էջ 203-208, և ու յ ն ի՝ Վահրամյանների իշխանությունը, Ե., 1990, էջ 21-29:

²⁴ Ա. Ի. Շ ա ճ ա ղ ա ռ յ ա ն, Վահրամյանների իշխանությունը, էջ 29-31:

պատմիչը. իրականությունը կեղծելով. Օրբելյաններին դավաճանած ու նաև դրա շնորհիվ նրանց պաշտոններին, դիրքին ու տիրույթներին արժանացած Ջաքարյաններին Հայկական արմատներ ու լուսավորչական դավանանք է վերագրել, դարձյալ անբացատրելի կմնա, թե ինչու է գաղթելուց հետո քրիստոնյա դարձած Ջաքարեի՝ իր բնօրրանում մահացած Հայրը Հայկական կամ գոնե այդպիսին դիտվող Սարգիս քրիստոնեական սրբանունը կրել: Ինչ վերաբերում է Կիրակոս Գանձակեցու այն Հաղորդմանը, թե իբր Ջաքարյանները սերել են քրդական հենց «Բաբիրական խելէն», ապա դա պատմագրական ավանդույթով պայմանավորված հեղինակային վկայություն է, որը, ինչպես երևում է Կիրակոս Գանձակեցուց օգտված Վարդան վարդապետի պատմածից, բացակայել է այդ պատմիչների հիմք աղբյուրում, ինչին ստորև կանդրադառնանք: Ավելին, Ջաքարյանների պատմության՝ իրեն ավելի մոտ ընկած շրջանի մասին մշուշապատ ու երբեմն բացահայտ սխալ տեղեկություններ ունեցող Կիրակոս Գանձակեցուն ինչպես կարող էր ստույգ Հայտնի լինել այն խելի անվանումը, որին իբր պատկանել են Ջաքարյանների նախնիները: Բացի այդ, Ջաքարյանների՝ մեզ Հայտնի չորրորդ սերնդի ներկայացուցիչների պատմական հիշողությունը սահմանափակվում է իրենց պապի Հոր միայն անվան իմացությամբ, ինչը ևս բացառում է Կիրակոս Գանձակեցու՝ «Բաբիրական խել»-ի մասին Հաղորդման աղբյուրը Ջաքարյաններից որևէ մեկը լինելը՝ Հետևաբար, պատմիչը Ջաքարյանների ծագման մասին գրելիս կամ օգտվել է իրեն հասած հատվածական տեղեկություններից՝ դրանք կամ անադարտ մոծելով բնագիր, կամ էլ դիմել է հիմնադուրկ հեղինակային վկայության:

Բնորոշ է, որ Վարդան վարդապետը ևս Ջաքարյանների պատմության ակունքների մասին իր պատումը սեղմ, բայց ավելի փաստալից տալով Հանդերձ (ավագ Սարգսին Հավելելը, Լոռի-Ձորագետ գաղթելը, Բագրատունի-Կյուրիկյաններին ապավինելն ու քրիստոնեություն ընդունելով նրանցից Խոթոռնին իբրև «տուն բնակութեան» ստանալը նշելը), շրջանցել է Ջաքարյանների գաղթի թվագրումը: Մինչդեռ, նա առաջնորդվել է «բերել... զթիւ ժամանակին նշանաւոր իրաց եւ գործոց»⁴⁴ սկզբունքով: Նա Ձորագետում իշխած բոլոր թագավորներին (բացառյալ Սմբատը) իմանալով Հանդերձ, սկզբում անորոշ նշելով, թե Ջաքարյանները «Հատուած եղեալ առ թագաւորսն Ձորոգետոյ, որ ի Բագրատունեաց ազդէ», շարունակության մեջ ավելացնում է, որ «տուաւ նոցա տուն բնակութեան Խոջորնի»: Սնում է ենթադրել, որ պատմիչը, չիմանալով, թե Ջաքարյանները կոնկրետ ում էին ապավինել, «թագաւորսն» բառն օգտագործել է կամ ընդհանրական իմաստով, կամ էլ՝ իրոք, այդ ժամանակ Ձորագետում իշխել էն երկու գահակից թագավորներ, որոնցից մեկն իր բաժնեմասում գտնվող Խոթոռնին շնորհել է նրանց: Բացի այդ, Ջաքարյանների տոհմածառն ավագ Սարգսով համալրելով, այնուհետև տառացիորեն կրկնորդել է իր դասընկեր Կիրակոս Գանձակեցուն՝ թույլ տալով նույն սխալները: Իսկ այն, որ ոչ թե Կիրակոս Գանձակեցին է Վարդան վարդապետից օգտվել, այլ հակառակն է եղել, կասկածից դուրս է⁴⁵: Միաժամանակ, Հայտնի է այդ պատմիչների՝ իրենց

⁴⁴ Հմմտ., Հ. Գ. Մ ա Ր Գ ա Ր յ ա ն, Ջաքարյանների ծագումը, էջ 173:

⁴⁵ Վ ա Ր Դ ա ն վ ա Ր Դ ա պ ե տ, էջ 147:

⁴⁶ Նույն տեղում, էջ 145-147, Կ ի Ր ա կ ո ս Գ ա ն ձ ա կ ե ց ի, Առաջաբան, էջ 4-4Ա, Փ. Ա. Ն թ ա պ յ ա ն, Վարդան Արևելցի, գիրք Ա, Ե., 1987, էջ 282-284:

ուսուցիչ և XIII դ. Հայ պատմագրական դպրոցի հիմնադիր Վանական վարդապետի (1181-1251)՝ մեզ չհասած Պատմությունից օգտված լինելը⁴⁷։ Ընդ որում, Վարդան վարդապետը, վկայակոչելով իր դասընկերոջ՝ «Հօրն (Վանականին-Ա.Շ.) Համանման» գրած լինելը, շեշտում է, թե «ոչ համարձակեցաք երեքկնել կամ բազմաբանել այլ համառօտ բերիլ միայն զթիւ ժամանակին նշանաւոր իրաց և գործոց»⁴⁸։ Ուրեմն, Վարդան վարդապետը Զաքարյաններին անդրադառնալիս ի դեմս իր ուսուցչի ու դասընկերոջ աշխատությունների, առնվազն երկու աղբյուր է ունեցել, քանզի Վանական վարդապետը չէր կարող լուծթյան մատնել իր ժամանակի ամենահզոր ու Հայտնի Զաքարյան տոհմի պատմությունը, լինելով նրա Վահրամյան ճյուղի հովանավորյալը⁴⁹։ Այս հիմամբ ենթադրելի է, որ Վանական վարդապետի աշակերտների աշխատություններում տեղ գտած Զաքարյանների քրդական ծագման վարկածն ու տոհմածառի երկուստեք սխալ ներկայացված հատվածը փոխառյալ են նրանց ուսուցչից։ Փ.Անթապյանը ևս գտել է, որ Վարդան վարդապետի աշխատության 2Բ-2Ը հատվածների սկզբնաղբյուրը «մերձավոր ճշտությամբ Վանական վարդապետի աշխատությունն է»⁵⁰։ Նկատենք, որ 2Բ հատվածում ընդգրկված է նաև Զաքարյանների մասին պատումը։ Ինչ վերաբերում է Վարդան վարդապետի և Կիրակոս Գանձակեցու հաղորդումների տարբերություններին, ապա դրանք բացատրելի են՝ ա) առաջինի գրելաոճից ու աշխատության բնույթից (պատմագրական ժամակագրություն) բխող կարծառուտությամբ, բ) հիմք աղբյուրին առավելություն տալով, որի հետևանքով Կիրակոս Գանձակեցու «ի քրդաց, ի Բաբիրական (Բաբելական- Ա.Շ.) խելէն»⁵¹ արտահայտությունը ներկայացվել է «ի քուրդ ազդէ» ձևով, գ) պատումի բովանդակության զարգացման տրամաբանությունից բխող հեղինակային հավելմամբ՝ «Հաւատացին ի Քրիստոս և պատուեցան», դ) իր կողմից «մանրապատում գրողը» անվանված աղբյուրներից օգտված լինելով, որի արդյունք է Զաքարյանների տոհմածառում, ավագ Սարգսի հավելումը։ Զաքարյանների մասին նման աղբյուրների գոյությունը փաստվում է 1211թ. Հաղբատում գրված մի ձեռագրի հիշատակարանով⁵²։ Ասվածը նաև հիմք է տալիս պնդելու, որ Զաքարյանների քրդական ծագման վարկածը Հայ պատմագրություն մեջ սկսել է շրջանառվել XIII դ. առաջին կեսին։

Զաքարյանների քրդական ծագումը մատնանշող աղբյուր է դիտվել նաև XVII դ. պատմիչ Զաքարիա Սարկավագի աշխատությունը, ինչը նրա հաղորդման իմաստի թյուրըմբռնման արգասիք է։ Պատմիչն անդրադառնալով Զաքարյաններին և ընդգծելով Կիրակոս Գանձակեցու շարադրանքի համառոտությունը՝ «զի համառօտ պատմէ Կիրակոս», շարունակում է. «Ի

⁴⁷ Կ ի Ր ա կ ո ս Գ ա ն ձ ա կ ե ց ի, էջ 8, 178, Վարդան վարդապետ, էջ 146-147։

⁴⁸ Վ ա Ր Ղ ա ն վարդապետ, էջ 146։

⁴⁹ Սանրամասն տես Ա. Ի. Շ ա հ ն ա զ ա Ր յ ա ն, Վահրամյանների իշխանությունը, էջ 164-174։

⁵⁰ Փ. Փ. Ա ն թ ա պ յ ա ն, նշվ. աշխ., գիրք Ա, էջ 283-284։

⁵¹ Վ ա Ր Ղ ա ն վարդապետ, էջ 138-139։

⁵² «Բաբելական խել» ընթերցման արդարացված լինելու մասին տես Հ. Գ. Մ ա Ր Գ ա Ր յ ա ն, Զաքարյանների ծագման ավանդությունը միջնադարյան Հայ պատմագրության մեջ, էջ 145, ծան., 31։

⁵³ Վ ա Ր Ղ ա ն վարդապետ, էջ 151։

⁵⁴ Հայերեն ձեռագրերի հիշատակարաններ, ԺԳ դար, էջ 71։

յերկրին Բաբելացւոց՝ այր ոմն քրիստոնեայ՝ Ջաքարիա անուն՝ կարգեալ իշխան յազգէն Մարաց, և վշտացեալ ի նոցանէ, ոչ կարաց կեայ անդէն: Եւ գտեալ ժամանակ, առնու ամենայն ըսողոծինս, ծառայս և սողախինս, ախիւ բանակի իւրոյ հատուածեալ ի Բաբելական երկրէն, անկանի առ տէրութիւնն Պարսից: Եւ անտի գայ մեղմով և մտանէ ի սահմանս Հայոց և գնայ յերկիրն Վրաց: Եւ անդ գտեալ իշխանութիւն ի թագաւորացն Վրաց, մեծանայ յոյժ: Եւ յետ նորա որդի իւր Վահրամ: Եւ յետ նորա՝ որդի իւր Սարգիս, որ եղև իշխան մեծ: Սմա եղեն որդիք երկու, անուն առաջնոյն Ջաքարէ, և երկրորդին Իւանէ՞»: Հղումից երևում է, որ Ջաքարիա Սարկավազը Կիրակոս Գանձակեցու «Բաբելական (–Բաբելական) խել» դարձվածքը երկիցս «Բաբելական (=Բաբելոնի) երկիր» իմաստով է մատուցում, իսկ Ջաքարիային քուրդ չի համարում այլ՝ «մարաց ազգի՞ կողմից Բաբելացիների երկրում իշխան կարգված՝ Ջաքարիա անունով ոմն քրիստոնյա»: Հետևաբար, նրա «կարգեալ իշխան յազգէն Մարաց» խոսքերը ոչ թե Ջաքարիայի մար, այսինքն՝ քուրդ լինելն են մատնանշում, այլ՝ մարերի կողմից Բաբելացիների երկրում իշխան կարգվելը: Ջաքարիային պատմիչի քուրդ չհամարելը երևում է նաև Վաչուտյանների ծագման նրա վարկածից, ըստ որի Ջաքարիան «ունէր և ծառայ մի ևս Սարգիս անուն՝ յազգէ Աժդահակայ»: Այսպիսով, հիմք ունենալով մարերի՝ «ի սերմանէն Աժդահակայ», «զգարմիցն Աժդահակայ», «զարմս Աժդահակայ» լինելու մասին Մովսես Խորենացուց եկող՝ և Հայ պատմագրութեան մեջ տիրապետող կարծիքը, Ջաքարիա Սարկավազը պնդել է Վաչուտյանների մարական (–քրդական) ծագումը: Մինչդեռ, նրանց պուղերեն Ջաքարիայի դեպքում «այր ոմն քրիստոնեայ» արտահայտութեամբ է բավարարվել: Ըստ երևույթին, Ղ.Ալիշանը Ջաքարյաններին մարահայեր է համարել՝ ելնելով Ջաքարիա Սարկավազի վկայութունից:

Այսպիսով, Ջաքարիա Սարկավազն արմատապես հեռացել է Կիրակոս Գանձակեցու շարադրանքից և փաստել Ջաքարիայի քրիստոնյա իշխան լինելը: Դա բացատրելի է երկու պատճառով. կամ նրա կասկածն է հարուցել ազգութեամբ քուրդ, հետևաբար մահմեդական Ջաքարիայի ոչ արևելյան ու ոչ մուսուլմանական անունը, կամ էլ, որ ավելի հավանական է, նա «Հետևել է ոչ միայն իրեն իբրև աղքատ և ծառայող Կ.Գանձակեցու պատմության, այլև

⁵⁵ Ջ ա ք ա ռ ի ա յ Ս ա ռ կ ա վ ա գ ի Պատմագրութիւն, Հ. առաջին, Վաղարշապատ, 1870, էջ 11:

⁵⁶ Պատմիչը մար և քուրդ էթնոնիմները համարժեք է դիտում (նույն տեղում, էջ 60-61, 146-148):

Ջաքարիա Սարկավազի խոսքերի իմաստը ուսերեն ճիշտ է թարգմանել նաև Մ. Օ. Դ ա ռ թ ի ն յ ա ն – Մ ե լ ի ք յ ա ն ը. «В стране вавилонян некий муж, христианин по имени Закарий, которого мари поставили своим князем» (Закарий Канакерци, Хроника, перевод с армянского, предисловие и комментарий М. О. Д а р б и н я н – М е л и к я н, М., 1969, с. 242):

Ջ ա ք ա ռ ի ա Ս ա ռ կ ա վ ա գ, էջ 12:

⁵⁸ Մ ո վ ս է ս Խ ո Ր Ե Ն ա գ ի, Պատմութիւն Հայոց, Քննական բնագիրը և ներածութիւնը Մ Ա բ ե ղ ե ա ն ի եւ Ս. Յ ա ռ ո թ ի լ ե ն ի, լրացումները Ա. Բ. Ս ա ռ գ ս ե ա ն ի, Ե., 1991, էջ 83-84, 176:

Ի դեպ, Վաչուտյանների տոհմաձագի ակունքների թերիմացութիւնը (Սարգսի Հայր Վաչուտին չիմանալը) կասկածի տակ է դնում Կիրակոս Գանձակեցու կողմից Հայ Համարված (Կ ի Ր ա կ ո ս Գ ա ն ձ ա կ ե գ ի, էջ 365) այդ տոհմի քրդական ծագման մասին պատմիչի պնդումը:

լրացրել է ուրիշ գրավոր աղբյուրներից կամ ավանդությունից»⁶¹: Որ Զաքարյանների մասին մեզ չհասած գրավոր աղբյուրներ եղել են, արդեն տեսանք ու ստորև եւ կփորձենք փաստարկել: Ինչ վերաբերում է նրանց մասին հյուսված ավանդություններին, ապա դրանց գոյությունն ապացուցվում է XIX դ. վերջերին Ե.Լ.ալայանի գրառածով: Զաքարիա Սարկավազը նաև էապես լրացրել է Կիրակոս Գանձակեցու պատմածը այն համարելով համառոտ: Ուշագրավ է, որ նա Մեծ Սարգսի որդի Զաքարին անվանում է «վերջին Զաքարիա», մինչդեռ վերջինիս թոռ և 1232 թվակիր մի ձեռագրի հիշատակարանում «նորածին» հիշատակվող Զաքարին Կիրակոս Գանձակեցին քաջ գիտի և քանիցս հիշատակում է⁶²: Բացի այդ, Զաքարիա Սարկավազը Զաքարյանների մասին պատումն ավարտում է այդ նույն Զաքարիի հայր Շահնշահի (+1261) գործունեության 1236թ. կատարված մոնղոլական նվաճմանն անմիջապես հաջորդած շրջանով: Ընդ որում, եթե Կիրակոս Գանձակեցին չեչտում է մոնղոլական նվաճման ժամանակ Շահնշահի թուլամորթությունն ու անգամ սեփական տիրույթները պաշտպանելուց հրաժարվելը, ապա Զաքարիա Սարկավազը պնդում է, թե իբր Ռուսուդան թագուհին «իբրև ետես...թէ ոչ կարէ ընդդէմ կալ նոցա, յանձն առնէ զերկիր իւր Շահնշահի և ինքն փախչի յԱփսազս»: Ասվածի հակառակմամբ պնդելի է, որ Զաքարիա Սարկավազն անմիջաբար կամ միջնորդավորված օգտվել է XII դ. առաջին կեսին պատկանող մեկ կամ ավելի աղբյուրներից, որոնց հաղորդումները ժամանակագրորեն սահմանափակվել են մոնղոլական նվաճմանն անմիջապես հաջորդած շրջանով: Նման աղբյուրներից ու բանավոր ավանդություններից Զաքարիա Սարկավազի օգտված յիննյու երևում է նաև Զաքարյանների գաղթի նկարագրությունից: Այն զուգահեռներ ունի, ոչ միայն Բաբելոնից Հայկ նահապետի գաղթի խորենացիական պատումի՝, այլև Զաքարյանների մասին Խոաննե Բագրատիոնի վերոբերյալ պատմածի հետ: Եթե այդ հանգամանքներից առաջինը բացատրելի է միջնադարյան հայ պատմագրության մեջ խորենացիական ավանդությունների կենսունակությամբ, ապա երկրորդը, այսինքն՝ էթնոմշակութային տարբեր միջավայրերում հյուսված պատումների նմանությունը, գրանցում առկա պատմական իրականության տարրերի երկուստեք անկախաբար արձանագրմամբ:

Համեմատաբար վերջերս Զաքարյանների ծագման հարցը չոչափող մի այլ գրչագիր աղբյուր եւ մտավ գիտական շրջանառության մեջ: Ինչպես համոզիչ եզրակացրել է Յու.Վարդանյանը (Գ.Տեր-Վարդանյան) և լրացուցիչ փաստարկել Լ.Մարգարյանը, այն, ամենայն հավանականությամբ, Մինաս Համթեցու կողմից 1682-1689 միջակայքում Զաքարիա Սարկավազի աշխատությունից որոշ վրիպակներով ու կրճատումներով արված քաղագրություն

⁶¹ Ա ս լ ա ն Շ ա հ ն ա զ ա Ր յ ա ն, նշվ. աշխ., էջ 71:

⁶² Ե Ր Վ ա ն դ Լ ա լ ա յ ա ն, նշվ. աշխ., էջ 320-321:

⁶³ Հայերեն ձեռագրերի հիշատակարաններ, ԺԳ դար, էջ 178:

⁶⁴ Կ ի Ր ա կ ո ս Գ ա ն ձ ա կ ե ց ի, էջ 288, 293, 321, 380, 392, 393:

⁶⁵ Զ ա ք ա Ր ի ա Ս ա Ր կ ա Վ ա գ, էջ 14:

⁶⁶ Նույն տեղում:

⁶⁷ Մ ո վ ս ե ս ի ո Ր Ե ն ա ց ի, էջ 33:

⁶⁸ Այն կրում է «Պատմութիւն քաղաքին յԱնտյ» խորագիրը. տես Մ խ ի թ ա Ր Ա ն Ե-ց ի, Մատեն աշխարհավէպ հանդիսարանաց, աշխատասիրությամբ Լ. Գ. Մ ա Ր գ ա Ր յ ա ն ի, Ե., 1983, էջ 107-122:

է⁶⁹: Դրանով Ա.Հովհաննիսյանի հակառակ ենթադրությունը մերժվել է⁷⁰: Քաղաքությունը՝ Ջաքարյաններին նվիրված հատվածից երևում է, որ նրա հեղինակն օգտվել է նաև Կիրակոս Գանձակեցուց: Այսպես, օրինակ, նա բաց է թողել Ջաքարիայի քրիստոնյա լինելու մասին Ջաքարիա Սարկավագի հաղորդումը, և վերջինիս «ի յերկրին Բաբիլացուց» արտահայտությունը փոխարինել է «ի Բաբելական խելէն»-ով՝ դրա տակ հասկանալով մարաց աշխարհը: Սակայն նա ճիշտ է վերարտադրել Ջաքարիայի մար (քուրդ) չլինելու մասին իր հիմնական սկզբնաղբյուրի պնդումը՝ գրելով հետևյալը. «այր ոմն Ջաքարիայ անուն, կարգեալ իշխան աշխարհին Մարաց»:

Ջաքարյանների ու Հայ նախարարական տոհմերի ծագման շուրջ XIII, XVII դդ. Հայ պատմիչների և Մովսես Խորենացու առաջադրած վարկածներում կան էական զուգահեռներ, որոնք արտացոլում են հետխորհնացիական Հայ պատմագրության մեջ Պատմահոր ավանդույթների հարատևումը: Դա բնավ պատահական չէ, քանի որ Մովսես Խորենացու Պատմությունը միջնադարյան Հայաստանի գաղափարախոսության սյուներից էր: Աղբյուրներին քննական մոտեցում ցուցաբերելով և հնարավորինս եզրակացություններ փաստից բխեցնելով Հանդերձ, Պատմահորը միշտ չէ, որ հաջողվել է վեր կանգնել իր ժամանակի իրողություններից և տուրք չտալ նաև պատմագրական ընդհանուր ավանդույթներից բխող կանխակալ լծբոլմունքներին: Դրանցից էր իր նկարագրած չրջանում գերիշխող և քաղաքական ատաղձ ունեցող այն տեսակետը, ըստ որի, Հայկական նախարարական տները ծագել են կամ Հայկ նահապետից, կամ ունեն օտար արմատներ և որ Հայկյան սերում ունեցողներն ավելի մեծատոհմիկ են, քան օտար ծագումովները: Այսպես, խոստանալով հանդերձ «զազգիս մերոյ կարգել զպատմութիւնն ճշդիւ՝ զթագաւորացն և զնախարարականաց ազդաց և տոհմից», նա քիչ անց գրել է. «ով ոք ի ցեղիցս որոշելոց ունտանի և մերազնեայ, և ոյք ոմանք եկք ընտանեցեալք և մերազնացեալք»: Այսինքն, Մովսես Խորենացին իր քննությունը սկսել է՝ հիմք ունենալով կաղապարային այն մտայնությունը, որ Հայ նախարարական տները ծագել

⁶⁹ Թու. Հ. Վ. ա. ր. գ. ա. ն. յ. ա. ն., «Պատմութիւն քաղաքին յԱնույ» բանաբաղության հեղինակի ու ժամանակի հարցի շուրջ (Պատմա-բանասիրական հանդես, 1985, N 2, էջ 212-225), Հ. Դ. Մ. ա. ր. գ. ա. ր. յ. ա. ն., Ջաքարյանների ծագման ավանդությունը միջնադարյան Հայ պատմագրության մեջ, էջ 140-142:

⁷⁰ Ա. Գ. Հ. ո. վ. հ. ա. ն. ի. ս. յ. ա. ն., նշվ. աշխ., դիրք առաջին, էջ 153: Հ. Մարգարյանը, հղելով տողերիս հեղինակին («Վահրամյանների իշխանությունը», էջ 21, ծան. 4, էջ 39), նկատել է, որ մենք փաստորեն ընդունել ու զարգացրել ենք Ա.Հովհաննիսյանի չարդարացվող վարկածը և «Պատմութիւն քաղաքին յԱնույ»-ի քաղաքագրողին համարել XIII դ. Անանուն հեղինակ ու նույնիսկ Կիրակոս Գանձակեցու և Վարդան վարդապետի ավագ ժամանակակիցը (Հ. Գ. Մ. ա. ր. գ. ա. ր. յ. ա. ն., Ջաքարյանների ծագման ավանդությունը միջնադարյան Հայ պատմագրության մեջ, էջ 142, ծան. 18): Հարկ է նկատել, որ ժամանակին Ա.Հովհաննիսյանի վարկածին ծանոթ չլինելով, այն զարգացնել չէինք կարող: Դրա հետ մեկտեղ, Գ.Տեր-Վարդանյանի հոգվածին քաջածանոթ լինելով՝ Սինաս Համթեցուն XIII դ. առաջին կեսի հեղինակ համարելու մտայնությունից զերծ ենք եղել: «Պատմութիւն քաղաքին յԱնույ» քաղաքագրությունն ընդգրկող 119 էջը վկայակոչելով՝ նկատի ենք ունեցել Ջաքարիա Սարկավագով միջնորդավորված և հաստատապես XIII դ. առաջին կեսով թվագրվող հիմք սկզբնաղբյուրի հեղինակին, ինչը վերևում փորձեցինք ցույց տալ:

⁷¹ Մ. խ. ի. թ. ա. ր. Ա. ն. ե. ց. ի., էջ 119:

⁷² Մ. ո. վ. ս. ե. ս. խ. ո. ր. ե. ն. ա. ց. ի., էջ 11-12:

են «ի պաւակաց նախնւոյն մերոյ Հայկայ և յայլոց»⁷³, ինչը փորձել է ապացուցել՝ երբեմն դիմելով քննության չդիմացող ստուգաբանական մեկնությունների: Հաճախ էլ ընտրել ու հորինել է պատշաճ միջավայր՝ դասավորելով ճշմարտանման փաստերը: Դրա վկայություններից է նրա ստեղծած այն ընդհանրական սյուժեն, ըստ որի, որոշ Հայ նախարարական տների պատմությունը սերտորեն աղերսվել է հարավին:

Հետագայի հայ պատմիչները ևս, ոչ միայն Պատմահոր նման չեն կարողացել վեր կանգնել ժամանակի իրողություններից, այլև մեզ հետաքրքրող խնդրում ընթացել են նրա նախանշած ուղով⁷⁴: Բանն այն է, որ XIII դ. վերջերից մինչև 1236թ. մոնղոլական նվաճումն ընկած՝ պատմական թեկուզ և կարճ ժամանակով սելջուկյան լծից Հյուսիսային Հայաստանի ազատագրմամբ ու երկրի կյանքը բնականոն զարգացման հուն մտնելով պայմանավորված՝ կատարվեցին արմատական տեղաշարժեր: Դրանց դրսևորումներից էր Հայ ֆեոդալական դասակարգի վերակենդանացումը: Այն նշանավորվեց ոչ այնքան նախորդ շրջանում պատմական ասպարեզից արտամղված հին իշխանական տների մնացորդների վերընձյուղումով, որքան նորերի առաջացմամբ: Վերջիններս դրանով պարտական էին Զաքարյանների գլխավորած Հայ-վրացական բանակի կազմում Հյուսիսային Հայաստանի ազատագրման համար մղված մարտերին մասնակցությանը, այսինքն՝ ծառայությանը: Դրա դիմաց Զաքարյաններից բաժնեկալվածքներ ստանալով՝ նրանք հիմնել էին իրենց իշխանությունները: Սակայն, ծառայությունը ֆեոդալական իրավունքը սրբազործող պատվարժանության բավարար պայման չէր, քանի որ համաձայն խորենացիական ըմբռման, բացակայում էր մեծատոհմիկությունը: Բնականաբար, սկսվում են այդ բացի վերացմանն ուղղված քայլեր, որոնք ժամանակի իրողություններով ու հրամայականով թեկադրված լինելով հանդերձ, դուրս չէին գալիս Պատմահոր ստեղծած կաղապարից: Դրա վառ օրինակը Զաքարյանների ծագման շուրջ արծածված վարկածներն են: Ծառայությամբ դառնալով ամենահզոր ու ազդեցիկ Հայկական իշխանական տոհմը՝ Զաքարյաններն առավել մեծ ուշադրություն պետք է դարձնեին իրենց պատվարժանության լիարժեքացմանը, առավել ևս, որ դա պարտադրված էր նաև քաղաքական այլ գործոններով, որոնք նոր բարձրացած իշխանական այլ տներին ևս ստիպում էին որոշ քայլեր անել:

Երբ դրվում էին Զաքարյանների անշեղ վերելքի ամուր հիմքերը, նրանք ի թիվս այլ պատճառների, մեծատոհմիկություն չահելու միտումով իրենց Արծրունի հուշակեցին: Երբ դրա գործնական անհրաժեշտությունը վերացավ, և դարձան Բագրատունիների նախկին տիրույթների տերը, նրանք ոչ միայն պահի հրամայականով, այլև հեռամետ քաղաքական նպատակներով թեկադրված՝ քայլ առ քայլ շրջանառության մեջ դրեցին

⁷³ Նույն տեղում, էջ 104:

⁷⁴ Ն ի կ ո ղ ա յ ո ս Ա դ ո ն ց, Հայաստանը Հուստինիանոսի դարաշրջանում, Ե., 1987, էջ 545:

⁷⁵ Այս հանգամանքի մասին մանրամասն տե՛ս Հ.Մարգարյան, Զաքարյանների ծագման ավանդությունը միջնադարյան Հայ պատմագրության մեջ, էջ 139, 143-144, 149 և այլն:

⁷⁶ Ն ի կ ո ղ ա յ ո ս Ա դ ո ն ց, նշվ. աղբ., էջ 547:

⁷⁷ Օրինակ, Պոռյան-ինաղբակյաններն իրենց արմատները կապում էին V դ. ապրած Բակ իշխանի (Հայերեն ձեռագրերի Հիշատակարաններ, ԺԴ դար, էջ 182), իսկ Օրբելյանները՝ ձենաց աշխարհի հետ (Ս տ ե փ ա ն ն ո ս Օ Ր Բ Ե լ յ ա ն, էջ 369-371):

իրենց բազրատունիական ծագման վարկածը: Քանի որ գաև ոչ այնքան հիմնադրուկ լինելու, որքան վրաց բազրատունիների հակազդեցության հետևանքով քաղաքացիություն չստացավ՝ հայ պատմագրության մեջ սկսեց արծածվել Ջաբարյանների օտար՝ քրդական, ծագման վարկածը: Իսկատարվեց 1210-ական թվականներից ոչ շուտ, քանի որ Հաղարծնի վերը քննված արձանագրությունը հաստատապես թվագրելի է 1212-ով:

Փորձենք հիմնավորել, թե ինչու ընտրվեց Ջաբարյանների օտար և հենց քրդական սերման վարկածը: Քանի որ ըստ Մովսես Խորենացուց եկող պատմագրական ավանդույթի՝ մեծատոհմիկության չափանիշի հիմքում հայկյան կամ օտար արմատներ ունեցող ծագումն էր, Ջաբարյանների սերումը Հայկ նահապետի հետ կապելու դեպքում նրանք մեծատոհմիկությամբ կգերազանցեին վրաց Բազրատունիներին, որոնց հայ նախնիները Պատմահոր համառ պնդմամբ հրեական, այսինքն՝ օտար ծագում ունեին⁷⁸: Հետևաբար, ֆեոդալական աստիճանակարգության սկզբունքներից մեկը կխախտվեր, որը բացառվում էր: Ինչ վերաբերում է Ջաբարյանների քրդական սերման վարկածի ընտրությանը, ապա դա բացատրվում է հետևյալով: Ինչպես վերը տեսանք, տարբեր էթնոմշակութային միջավայրերի ու ժամանակների արդյունք հայկական և վրացական գրչագիր աղբյուրները Ջաբարյանների հարավից-հյուսիս գաղթած լինելու հարցում միահամուռ են: Ընդ որում, դրանցից երեքը փաստում են այն Պարսկաստանի վրայով կատարված լինելը: Սելջուկյան արշավանքների և ապա տիրապետության դժնդակ պայմաններում Ջաբարյանների գաղթը սովորական երևույթ պետք է համարել: Աղբյուրները զգալի տեղեկություններ են պահպանել այդ ժամանակ հայ ազնվականական տների կողմից իրենց բնօրրանները լքելու մասին⁷⁹: Այդ երևույթը մեծ չափեր էր ընդունել Հայաստանի հարավային գավառներում, որտեղից բնակչության ապահով վայրում հաստատվելու նպատակով գաղթել էր նաև Ջաբարյանների նախնին: Հյուսիսային Հայաստան անցնելով Պարսկաստանի վրայով նա հանգրվանել էր Լոռի-Չորագետի կյուրիկյան փոքրիկ թագավորությունում: Ջաբարյանների՝ հարավից գաղթած լինելը, անկասկած, նպաստել է նրանց օտար ծագման վարկածին արժանահավատություն հաղորդելուն: Լոռի-Չորագետում Ջաբարյանները հաստատվեցին XII դ. սկզբին⁸⁰: Սակայն 1110/1113թ. այն գրավեցին սելջուկները, իսկ

⁷⁸ Մովսես Խորենացի, էջ 69, 104:

⁷⁹ Պատմութիւն Արիստակէսի Լաստիվերտցւոյ, աշխատամիտություն, Կ. Յուզբաշյանի, Ե., 1963, էջ 22, Թովմայի վարդապետի Արծրունւոյ Պատմութիւն տանն Արծրունեաց, Թիֆլիս, 1917, էջ 307, Սամուելի քահանայի Անեցւոյ Հաւաքմունքի գրոց պատմագրաց, Վաղարշապատ, 1893, էջ 104, Մատթեոս Ունհայեցի, Ժամանակագրութիւն, Վաղարշապատ, 1898, էջ 49, Ստեփանոս Օրբելյան, էջ 319:

Ա. Ի. Շահնազարյան, Վահրամյանների իշխանությունը, էջ 29-31: Ջաբարյանների տոհմածառի սրբագրմանը նվիրված մեր հոդվածում (Պատմաբանասիրական Հանգես, 1989, N 3, էջ 209), առանց մեզ իրազեկելու, կրճատման նպատակով խմբագրական միջամտության հետևանքով ստացվել էր, որ Ջաբարյանների Լոռի-Չորագետում հաստատվելը թվագրում ենք XI դ. կեսերով, մինչդեռ դրան նախորդած քննությունից բխել էր, որ այն կատարվել է XII դ. սկզբին: Դա հոդվածի կրճատված մասի օգտագործմամբ ցույց ենք տվել 1990թ. լույս տեսած վերը հղված մենագրությունում: Հետագայում Հ. Մարգարյանը Ջաբարյանների գաղթը մերժելով հանդերձ, ևս գտել է, որ այն

1118/1124թ. Դավիթ IV Շինարարը, և Լոռի-Չորագետն անցավ վրացական թագավորությանը: Ջաքարյանների պատմության Կյուրիկյան շրջանն այնքան կարճ տևեց, որ միայն Վարդան վարդապետն է հստակ արձանագրել: Դա ակնարկում է նաև Ջաքարիա Սարկավազը, ըստ որի Ջաքարյանների նախնին Պարսկաստանից մտել է Հայոց սահմանները, իսկ այնտեղից՝ վրաց երկիրը: Սնացած աղբյուրներն այն լուռության են մատնում, ինչից հետևում է, թե իբրև Ջաքարյաններն անմիջապես մուտք են գործել վրաց իրականություն և ծառայության անցել վրաց թագավորների մոտ:

Հայ պատմագրության մեջ Ջաքարյանների ծագման քրդական վարկածի ընտրության մյուս կարևոր պատճառը, ըստ Պատմահոր, մարերի ածղահակյան սերումն է: Ջաքարիա Սարկավազի կողմից մար և քուրդ էթնոնիմների համարժեքության փաստումը հեղինակային վկայության արդյունք է: Վ.Մինորսկու դիտողությամբ, Մովսես Խորենացուց սկսած Հայ մատենագրության մեջ մար տերմինն օգտագործվել է իբրև քուրդ էթնոնիմի հոմանիշ: Զարգացնելով Վ.Մինորսկու դիտարկումը, Հ.Մարգարյանը ցույց է տվել, որ քուրդ տերմինը գործածական է դարձել XII-XIIIդդ. Հայ գրչագիր հուշարձաններում, այն էլ էթնիկականից լայն նշանակությամբ, մասնավորապես, իբրև մահմեդականի հոմանիշ: Հենց դա է պատճառը, որ Կիրակոս Գանձակեցու պատմածին Վարդան վարդապետն անհիմն հավելել է Ջաքարյանների հավատափոխությունը: XIIIդ. Հայ պատմիչները, Ջաքարյաններին քրդական արմատներ վերագրելով, ոչ միայն տուրք են տվել խորենացիական ավանդույթներին, այլև դրանք հարմարեցրել են պատմական նոր իրավիճակով թելադրված պայմաններին: Նախ, Ածղահակից սերված դիտվող Ջաքարյաններն ազնվագարմությամբ զիջելու էին վրաց Բագրատունիներին, որովհետև, եթե վերջիններիս նախնիները Պատմահոր համաձայն, նախարարական տուն են հաստատվել նախքան Վաղարշակը, ապա Ածղահակի սերունդ Մուրացյանները՝ նրա օրոք: Բացի այդ, ըստ Մովսես Խորենացու, Վաղարշակը Մուրացյաններին կարգել էր «երկրորդ թագաւորութեան»⁸¹: Ուստի, քանի որ Պատմահայրը

իրողություն լինելու դեպքում XIIIդ. սկզբներից վաղ չէր կարող կատարվել (Հ. Գ. Մարգարյան, Ջաքարյանների ծագումը, էջ 164-169):

Մատենադարան, ձեռ. N 3031, թ. 53-55, Վարդան վարդապետ, էջ 119, 156:

⁸² V. Minor sky, նշվ. աշխ., էջ 127-128:

⁸³ Հ. Գ. Մարգարյան, Ջաքարյանների ծագման ավանդությունը միջնադարյան Հայ պատմագրության մեջ, էջ 146-147:

⁸⁴ Մովսես Խորենացի, էջ 112: Հմմտ. Յովհաննես Կաթողիկոսի Դրասխանակերտեցուց պատմութիւն Հայոց, Թիֆլիս, 1912, էջ 26: Ջաքարյանների քրդական ծագման վարկածի ձևավորմանը կարող էր նպաստել ևս մի հանգամանք: Թամար թագուհու առաջին պատմիչի խոսքերից հետևում է, որ նրանք Քուրդ Վաճառի (Դեբեդ) ձորում ևս ունեին կալվածքներ, որոնք պատկանում էին Մեծ Սարգսի եղբորորդի Բլուզ Ջաքարեին (Քարթլիս ցիւովրեա, հ. 2, էջ 50-51, վրացերեն): Ուրեմն, Լոռի-Չորագետում հաստատվելուց հետո նրանց տիրույթները ներառել են նաև Քուրդ Վաճառի ձորի որոշ հատվածներ: Այդ տեղանունը ենթադրում է այնտեղ քուրդ էթնիկական տարրի երբեք առկայությունը: Անկախ Քուրդ Վաճառի ձորում քրդերի ապրելու ժամանակից (նախքան Ջաքարյանները կամ համաժամանակ), այդ հանգամանքը և քրդերի քնորրան համարվող հարավից Ջաքարյանների գաղթած լինելը կարող էր ոչ միայն նրանց քրդական ծագման վարկածի ատաղձ ծառայել, այլև նպաստել դրան արժանահավատություն հաղորդելուն:

Մուրացյաններին համարել է Արշակունյաց Հայոց թագավորությունում երկրորդ նախարարական տունը, XIII դ. Հայ Հեղինակները, նրա հետևությունները Զաքարյաններին քրդական՝ աթղահական, արմատներ վերագրելով, հիմնավորել են վրացական թագավորությունում երկրորդ տոհմը լինելու նրանց իրավունքը: Այսինքն՝ պատմական անուղղակի «կռվաններով» հաստատագրել են իրենց ժամանակի իրողությունը: Հետևաբար, Զաքարյանների քրդական ծագման ավանդությունն օրվա պահանջի արձագանք էր:

Վերոգրյալի հաշվառմամբ ակնհայտ է նաև Զաքարյանների պարսկական ծագման՝ Արտաքսերքսես I Աքեմենյանի ազգականները լինելու շուրջ վրաց իրականության մեջ առաջ քաշված և ժամանակի իրողությունների ամրագրմանը միտված՝ պաշտոնական պատմագրության մեջ տեղ գտած տեսության անհիմն լինելը: Պատահական չէ, որ այն Գ. Հովսեփյանը առանց որևէ քննության առասպել է համարել: Զաքարյանների ծագումնաբանությունը հատուկ քննության նյութ դարձրած Շ. Մեսխիան իր հերթին գտել է, որ վրաց պատմիչը դրանով «Մխարգրձեխներին (Զաքարյաններին-Ա.Շ.), մասնավորապես Զաքարիա Մխարգրձեխին ազգական է դարձրել այնպիսի հին ու հզոր տոհմի և պատմական դեմքի հետ, որպիսին էր Իրանի Աքեմենյանների արժանավոր, ներկայացուցիչներից մեկը՝ Արտաքսերքսես I-ը... Ինչպես պարզվում է, XII-XIII դդ. Վրաստանում հնագույն արքայական տոհմին Մխարգրձեխների ազգական լինելու տեսություն էր ստեղծվել»⁸⁵: Ինչպես ցույց է տվել Կ. Կեկելիձեն, նման տեսություն է ստեղծվել նաև վրաց և օսական Բագրատունյաց արքայատոհմերի ծագման շուրջ, ըստ որի, առաջինը սերվել է հրեական կիսաառասպելական Դավիթ թագավորից, իսկ երկրորդը՝ նրա եղբորորդի Եփրեմից: Դրանով չեղտվել է վրաց Բագրատունիների ազնվագարմությունն օսական Դավրատունի արքայատոհմի նկատմամբ, քաղաքական ենթատեքստ ունենալով Դավիթ Սոսլան թագավորի հանդեպ նրա կին Թամար թագուհու առավելությունը:⁸⁷ Այս իրողության հաշվառմամբ պարզ է, որ իրենց բագրատունիական ծագում վերագրելու Զաքարյանների փորձերը դատապարտված էին ձախողման: Մյուս կողմից, վրաց իրականության մեջ պետք է ստեղծվեր Զաքարյանների ծագման այնպիսի ավանդություն, որը կհամապատասխաներ վրացական պետությունում նրանց զբաղեցրած դիրքին ու աստիճանին: Այդպիսին դիտվեց քննվող տեսությունը, որը ստեղծվեց XII դ. վերջերին կամ XIII դ. սկզբներին⁸⁸, անպայման հիմք ունենալով Զաքարյանների գաղթը Պարսկաստանի վրայով կատարված լինելը, ինչի շուրջ ավանդությունը հասել էր անգամ XVIII դ. Հեղինակ Իոաննես Բագրատիոնիին: Դրանով այդ տեսությունը պարուրվում

⁸⁵ Գ ա Ր Ե Գ Ի Ն Հ Ո Վ Ս Ե Փ Ե Մ Ն, Խաղբալյանք կամ Գոռյանք Հայոց պատմության մեջ, Անթիլիաս, 1969, էջ 2:

⁸⁶ Շ Ո Ք Պ Մ Ե Ս Ի Ս Ի Վ, Նշվ. աշխ., էջ 210:

⁸⁷ Կ. Կ Ե Կ Ե Լ Ի Ժ Ե, Վրաց քաղաքական մտածողության մի դրվագ դասական ժամանակաշրջանի գրականության մեջ (էություններ վրաց հին գրականության պատմությունից, Հ. 1, Թբիլիսի, 1956, էջ 312-318, վրացերեն):

⁸⁸ Մանրամասն տես Ա Ր Մ Ն Ն Ե Մ Շ Ս Հ Ն Ս Ղ Վ Ր Ե Մ Ն, Զաքարյանների բուն տոհմաբանությունը (Հայոց պատմության հարցեր, Ե., 2001):

էր իրապատումության շղարշով, իսկ Զաքարյանները հին ու օտար արքայատոհմի ժառանգորդներ էին հռչակվում: Բայց, ինչպես հայ պատմագրության ըմբռնմամբ էր, մեծատոհմիկությամբ ղիջում էին իրենց անմիջական սյուղերեն վրաց Բագրատունիներին՝ դարձյալ լինելով «երկրորդ թագաւորութեան»: Այս հարցում հայ և վրաց պատմագրության մոտեցումների նույնականությունն օրինաչափ է: Նրանք երկուստեք հետևում էին պատմագրական ընդհանուր (հայ պատմիչները՝ Մովսես Խորենացու միջնորդավորված) ավանդույթներին և ամրագրում ժամանակի քաղաքական իրողությունները:

Հ. Մարգարյանը Լոռի-Չորագետում Զաքարյանների կարծեցյալ քուրդ նախնիների հայանալն իրավացիորեն բացառել է Կյուրիկյան թագավորության հոգեվարքով պայմանավորված՝ այնտեղ էթնիկ պատկանելության փոփոխության համար անհրաժեշտ քաղաքական, էթնոմշակութային ու դավանական միջավայրի բացակայությամբ, ինչպես նաև՝ հակառակ էթնոկրոնական գործընթացներով ու քրդերի էթնիկական ինքնատիպությամբ:

Այսպիսով, Զաքարյանների նախնիների ազգային պատկանելության մասին ամենաարժանահավատ տեղեկությունը պահպանել է Ստեփանոս Օրբելյանը, որը Լոռի-Չորագետում Զաքարյանների երկրորդ սերունդը ներկայացնող Զաքարիային հիշատակել է իբրև «Հայ ազգաւ և ուղղափառ հաւատով» իշխանի: Ժամանակին Զաքարյանների տոհմածառի մեր առաջարկած սրբագրման շնորհիվ նրանից նաև ոչ հայկական Խոստրով ու Քարիմ անուններով անձանցով ներկայացող մի սերունդ օտարելու և դրանով իսկ Զաքարյանների գաղթը XII դ. սկզբներից ոչ վաղ կատարված լինելը բացառելու լույսի տակ Զաքարյանների նախնիների էթնիկ պատկանելությունը պարզելու խնդրում Սյունյաց պատմիչի վկայությունը բացառիկ կարևորություն ունի: Պարզվում է, որ XII դ. առաջին կեսին ապրած Զաքարիան լիարժեք հայ էր ազգության ժամանակի կրոնադավանական ըմբռնման բոլոր չափանիշներով՝ ինչպես էթնիկապես, այնպես էլ դավանանքով: Ուստի, անտրամաբանական է, որ թերևս իր բնօրրանում ծնված կարծեցյալ քուրդ Զաքարիան ոչ միայն կրոնով, այլև էթնիկապես հայանար այդքան կարճ ժամկետում: Զաքարյանների՝ նման կայուն էթնիկ նկարագիրը վկայում է նաև նրանց հիշատակող մեզ հասած հայերեն հնագույն գրչագիր աղբյուրը՝ Հռոմկլայում 1204թ. գրված ձեռագրի հիշատակարանը: Զաքարե ու Իվանե եղբայրների գործունեությանը քաջածանոթ նրա հեղինակը հպարտությամբ է նշում վրացական թագավորության սյուղները հանդիսացող եղբայրների ոչ միայն սխրանքները, այլև՝ հայաստեղծությունը: Դա է շեշտվում («որ էին ազգաւ Հայք»)՝⁸⁹ նաև Մխիթայել Ասորու ժամանակագրության հայերեն թարգմանությանը կցված պատմագրական բնույթի հիշատակարանում: Եթե, իրոք, դրա հեղինակը Վարդան վարդապետն է՝⁹⁰, ապա նա ևս հավատ չի ընծայել սկզբնաղբյուրի

⁸⁹ Հ. Գ. Մարգարյան, Զաքարյանների ծագումը, էջ 169-172:

⁹⁰ Հայերեն ձեռագրերի հիշատակարաններ, ԺԳ դար, էջ 93: Հիշատակարանի գրիչը ծանոթ է անգամ Զաքարեի՝ շահնշահ պատվանմանը և Իվանեի դավանափոխությանը:

⁹¹ Տե՛ս Մխիթայելի պատրիարքի Ասորու ժամանակագրութիւն, Երուսաղէմ, 1870, էջ 526:

Փ. Փ. Անթառակտ, աշխ., գիրք Բ, Ե., 1989, էջ 91:

միջոցով իրեն մատուցված՝ Ջաքարյանների քրդական ծագման վարկածին։ Ինչ վերաբերում է Ջաքարյաններին, ապա նրանք իրենց էթնիկ պատկանելության, այսինքն՝ Հայագրություն, Հարցում որևէ բարդությամբ չեն ունեցել։ Դրա հետ մեկտեղ, Հյուսիսային Հայաստան գաղթելուց հետո պատմական ասպարեզ մտնելով իբրև բոլոր միջոցներով բարձրացման ձգտող ֆեոդալական միջին խավի տոհմ և պանծալի անցյալ չունենալով, այն փառաբանող պատմագրական երկի անհրաժեշտությունը չեն զգացել։ Այսպիսով, Ջաքարյանները Հայ իրականության ծնունդ էին ոչ միայն դժվար գերազնահատելի Հայանպաստ գործունեությունը, այլև՝ ծագմամբ

ГЕНЕАЛОГИЯ ЗАКАРЯНОВ

А.И.ШАХНАЗАРЯН

Р е з ю м е

Вопрос генеалогии княжеского рода Закарян, сыгравший важную роль в истории Северной Армении и Грузинского царства второй половины XII — середины XIV вв. и на протяжении долгого времени находившийся в центре внимания исследователей, по сей день остается спорным.

Имеющиеся в научном обиходе источники о происхождении рода Закарян представляют два варианта: армянский и чужеродный (курдский и персидский). Сравнительный анализ прямых и косвенных источников доказывает, что род Закарян по своему происхождению является армянским.

¹⁰³ Ջաքարյանների վրացական ծագման շուրջ եղած կարծիքները չքննարկեցինք, քանի որ դրանք նպատակադիր քննության արդյունք չեն ելով, գիտական արժեք չունեն։ Ինչ վերաբերում է Օրբելյաններից կամ Պաշտալունիներից նրանց սերված լինելու շուրջ արտահայտված կարծիքներին, ապա դրանք իսպառ հիմնադրուկ են։